

DISSERTATIO INAUGURALIS MEDICA, ¹⁵

DE

CATTARRHO SUFFOCATIVO, EFFICACI QUODAM REMEDIO TRACTANDO,

Quam

SUB AUSPICIIS SUMMI NUMINIS,
GRATIOSÆ FACULTATIS MEDICÆ
IN ALMA REGIA FRIDERICIANA CONSENSU,
P R Æ S I D E

D. MICHAELE ALBERT

POTENTISSIMI REGIS BORUSSIÆ CONSILIARIO AULICO

MEDICINÆ ET PHILOSOPHIÆ NATURALIS PROFESSORE PUBLICO

ORDINARIO, ACADEM. CÆSAR. NAT. CURIOS. COLLEGA,

FACULTATIS MEDICÆ DECANO SPECTATISSIMO,

DOMINO PATRŌNO, DOCTORE AC PROMOTORE SUO OMNI HO-

RIS ATQUE OBSERVANTIÆ CULTU PROSEQUENDO,

PRO GRADU DOCTORIS

SUMMISQUE IN ARTE MEDICA HONORIBUS, INSIGNIB

AC PRIVILEGIIS RITE AC DECENTER OBTINENDIS,

HORIS ANTE - ET POMERIDIANIS

D. S E P T E M B R. M D C C X X.

IN AUDITORIO MAIORI

SUB PUBLICO ERUDITORUM EXAMINE STABILITUM IBIT

AUCTOR ET RESPONDENS

IOAN. CHRISTIANUS ROEMPLERU

SPROTTAV. SILESIUS.



PROOEMIUM.



Uemadmodum clementiæ divinæ egregium est momentum, quod tales morbos, qui vel gravissime adfligunt, vel ad funestum plane eventum celeriter properant, *raros* in vita humana esse iusserit, ita hanc suam in mortales benignitatem in eo mirifice auget, quando pro rarioribus hisce & periculosis adfectibus superandis tam certa & efficacia passim remedia suppeditat, quæ in non paucis aliis, licet vilioribus & extra periculum constitutis pathematibus, deficiunt. De prioris quidem adferti veritate, nempe de morborum periculoso *infrequentia*, si quis dubitare vellet, considerandum huic commendaremus, quam rarissime morbi illi occurrant, quia *motuum vitalium defectu* originem suam ducunt. Certum enim est, ex aliquot millibus hominum, non facile unum reperiri, qui per vitæ suæ decursum vera *paralysi*, *hemiplexia* vel *apoplexia* fuerit correptus. Noster adfectus, quem hac

in dissertatione evolvendum suscepimus, videlicet *catarrhus suffocativus* uberius hanc veritatem confirmat. Licet enim accusatio illius inter vulgus satis frequenter audiatur, & quævis fere pectoris mucida repletio hoc nomine ex errore veniat, ipse tamen adfectus, qui ob frequenter funestum sui eventum suffocativus vocatur, mirifice raro vitam humanam infestat. De posterioris autem elogii veritate certiores reddimur, quando historiæ medicæ testimonia & ipsam experientiam practicam consulimus. Quamquam enim multa in talibus angustiiis adhuc desiderentur, & certior illa efficacia, quam vulgo iactant, plurimis remediis deficiat, res ipsa tamen loquitur, quod nonnulli periculosi & graves morbi indubiis quasi remediis feliciter possint profligari. Exempli loco nominabimus *rabiem caninam* & *lycantropiam*, in quibus adfectibus certissimum quasi & infallibile remedium est *be-par*, *cor*, vel *cerebrum* illius, quod momordit, animalis. Periculosæ *sanguinis eruptiones* securis & satis certis remediis sæpius superantur. *Epilepsia*, licet *Herculeus* morbus a quibusdam adpelleretur, certius tamen & constantius sæpissime per specifica, quæ prostant, remedia eradicatur, quam triviales rheumatico-arthritico-spastici adfectus. Plurimus quidem defectus remediorum, re vera efficacium, in illis præcipue rarioribus morbis reperitur, qui *motuum vitalium neglectioni* innituntur, sed tantum abest, ut Deus miseriæ & paupertati nostræ invideat, ut potius dies diei Domini bonitatem, in his quoque necessitudinibus nobis succurrentem, enarret. Testes sumus huius veritatis, & quoniam cum jucunditate animi non semel, sed sæpius,

sæpius, observavimus, quam egregium, mirificum, & tantum non infallibilem effectum illud remedium per integrum hunc annum præstiterit, quod in hac dissertatione adversus *catarrhum suffocativum* inferius commendabitur, operæ pretium fore judicavimus, si hanc materiam pro themate inaugurali eligeremus. Faxit autem divina benignitas, cujus benevolo magis nutu, quam inventione humana, remedii hujus efficacia in angustiis detecta est, ut & aliis salutaris ipsius usus innotescat.

§. I.

CATARRHUM SUFFOCATIVUM perlustrare dum adgredimur, primo statim limine monere æquum ducimus, non ferre instituti nostri rationem, ut sub ipsius morbi evolutione in majorem, quam par est, amplitudinem nos diffundamus. Quemadmodum enim scopus noster primarius eo tendit, ut remedii commendandi efficacia, quam in *catarrho suffocativo* exserit, cum aliis communicetur, ita sufficere omnino putamus, si de ipso adfectu tantum dicatur, quantum ad ipsius indolis qualemunque perfectionem necessarium putamus.

§. II.

Catarrhi autem *suffocativi* nomine talis venit adfectus, qui motuum vitalium defectui innititur, & paralytodem pulmonum ac thoracis indolem exhibet. Unde copiosa materiæ mucidæ irruptio in vesiculas pulmonales contiaigit, & patiens ob impotentiam pectus movendi, & circulum sanguinis hinc impeditum, periculo suffocationis exponitur.

§. III.

Ex hac descriptione patescit differentia hujus adfectus ab *asthmate spastico* seu *convulsivo*. In hoc enim nulla remissio motus tonici circa pectus, sed illius notabilis exacerbatio præsto est. Hinc respirandi difficultas non ab impotentia quadam passiva, sed potius ab activa pectoris compressione dependet. Præter ea materiæ mucidæ adfluxus, qui in catarrho suffocativo semper adest, in asthma spastico non reperitur. Tacemus quod subjectorum diversitas hos adfectus plerumque disjungat, uti enim in sanguineis asthma spasticum, ita in catarrhosis phlegmaticis catarrhus suffocativus ordinarie occurrit.

§. IV.

Sic & a reliquis *asthmaticis anxietatibus* & *pectoris op-pletionibus* catarrhus suffocativus debet distingui. Posterior enim uti rarissimus est adfectus, ita priores frequentius in praxi occurrunt, præcipue quando tussis humida per incongrua remedia, in specie per narcotica, in anomalam deducta est, vel periphericæ excretiones, e. g. scabies, crusta lactea, ulcerosæ fluxiones, retropelluntur. Hæ enim communes quasi & simplices pectoris op-pletiones longe minore impetu invadunt, & cum copioso tali adfluxu materiæ mucidæ non conjunctæ sunt, neque tantum suffocationis periculum minantur. Unde confusio illa vulgaris, quæ omnes tales op-pletiones, præcipue quando infantili ætati eveniunt, mox pro catarrho suffocativo declarat, evitanda est.

§. V.

Multo facilius catarrhus suffocativus a *chronicis anxietatibus* distingui potest. Hæ enim per paroxysmos communiter patientes infestant, diutius, sed & moderatius, adfli-

adfligunt, & vel fcirrhum, vel occultam pulmonum vomitam pro fundamento habent.

§. VI.

Apoplexia serosa multum quidem cognationis habet cum catarrho suffocativo; immo hi duo adfectus nonnunquam inter se complicantur, ex illis autem signis, quæ apoplexiam serosam præcedunt, nempe ex diuturnis, quamquam obtusis, adfectionibus capitis, rubore & lippitudine oculorum, item ex spuma, quæ per os erumpit, distingui potest a catarrho suffocativo.

§. VII.

Verum enim vero hæ differentiarum adnotationes, ne illa quidem, quæ asthmatis spastici est, exiguam in praxi utilitatem nobis quidem exhibebunt, licet alias ab auctoribus merito inculcentur. Uti enim pulmonum læsiones artis auxilium plerumque adspernantur, ita remedium illud, quod a nobis infra commendabitur, non solum in catarrho suffocativo, & aliis pectoris oppletionibus mucidis, verum etiam in ipsis asthmatico-spasticis adfectionibus, siccis quasi & nulla mucosa materia stipatis, optime se commendavit. In apoplexia autem serosa illud probare, occasio nondum concessit.

§. VIII.

Nihilo tamen minus præter ea, quæ jam tacta sunt, nonnulla de adfectu nostro signa dabimus, ut verior illius diagnosi tanto magis innotescat. Præcedunt nempe communiter adfectiones pectoris catarrhales, simplices quidem, difficiles tamen & multo infarctu contumaces. Quæ, quando incongruis mediis tractantur, in periculosius schema facile transmigrant. Non facile autem alii catarrho suffocativo infestantur, quam qui sunt catarrhosi, seu, uti
vulgo

vulgo loquuntur, quibus catarrhi a capite ad fauces & pectus delabuntur. Sunt tales præcipue phlegmatico-sanguinei, succulenti, qui & paralyticis atque apoplecticis pathematibus præ aliis obnoxii sunt, sicciores autem & graciles rarissime huic adfectui exponuntur, nisi quidem tussi pertinaci diu vexati fuerint, vel labes pulmonum ulcerosa conspiret.

§. IX.



Ex ipsa etiam patientis *ætate* signum diagnosticum suppeditatur. Catarrhus enim suffocativus non facile alios, quam senes, occupat. Quidquid autem in obesitas atque succulentis infantibus, post achorum inprimis repulsionem, oppletionis occurrit, & suffocationis periculum minatur, id gradu longe minore adfligit, & tam præcipiti funesto eventu raro scenam claudit.

§. X.

De reliquo catarrhus suffocativus insultu quodam repentino & impetuoso ægros invadit, cum respiratione summe difficili & pectoris plenitudine, spumido quasi sono conjuncta. Adest virium præsentissima dejectio, ita ut tussim exercere & per illam materiam excernere impotentes sint patientes. Cum hac corporis debilitate animi abjectio notabiliter ut plurimum complicatur.

§. XI.

Nexum ætiologicum ex iis, quæ dicta sunt, in hunc ordinem colligemus. Vera mali sedes in capite magis, quam pectore, est quærenda. Causa materialis repentinæ hujus irruptionis est omnino materia quædam mucida in phlegmatico corporis habitu. Pro causa *continente* & *proxima* accusatur quidem justissime atonia, flaccidus pulmonum marcor, seu paralytica adfectio musculorum partium,



tium, quæ respirationem præstare debent, multæ autem circumstantiæ docent, quod hæc tonica relaxatio non sit universalis, uti vulgo creditur, sed spasticæ tensiones conspirent. Et quemadmodum in multis aliis morbis motuum metaschematismus sæpius contingit, & nimia illorum exacerbatio in remissionem transit, ita etiam in nostro adfectu hoc observari potest. Sane in notabili illo casu, quem infra enarrabimus, talia sæpe phænomena adfuerunt, ut, num asthma spasticum vel catarrhus suffocativus accusari debuerit, incertus fueris, nisi quidem generale illud signum diagnosticum, nempe plenitudo seu coctio pectoris cum sono spumido semper adfuerit. De hoc motuum, modo remissorum, modo spasticorum, in hoc adfectu concursu legi potest *Excell. Stablius dissertatione de adfectibus pectoris pag. 30 seq.*

§. XII.

Causas catarrhi suffocativi *occasionales & antecedentes*, passim jam nominavimus, videlicet adfectuum cutaneorum repulsionem & pathematum pectoris perversam tractationem. His addimus rheumatico - arthriticorum morborum retropulsionem, evacuationum sanguinis adfuetarum omissionem, aërem frigido - humidum & denique ebriositatem. Quamquam autem hæ causæ non raræ sint, rarus tamen est noster adfectus, & si omnino aliquando contingit, semper tamen manet quæstio, cur præcise hoc die, hac hora, hoc momento flaccescentia illa pulmonum eveniat, & natura pertæsa motus suos in pectore omittat.

§. XIII.

Progredimur ad *prognosin*, quam ipsa morbi denominatio satis jam exprimit. Quando enim impetuoso

B

huic

huic adfectui tempestivo & congruo auxilio non succurritur, patiens brevi tempore suffocatur. Immo quando annosior est æger, tam repente nonnunquam exspirat, ac si apoplexia e vita ereptus sit. In infantibus autem, uti adfectus est mitior, ita repentinus talis exitus in illis non observatur, sed mors ad unam alteramve hebdomadam ordinarie differtur.

§. XIV.

Quamquam autem catarrhus suffocativus repentinam talem mortem non semper inferat, relinquit tamen insignem patientis debilitatem & valetudinem, ab illo tempore admodum vacillantem, præcipue cachecticam corporis flacciditatem & asthmaticam pectoris laxitatem, cum intercurrentibus paroxysmis asthmatico-spasticis, præcipue quando causæ externæ accedunt; id quod casus noster, infra enarrandus, uberius confirmabit.

§. XV.

Aliquando transit in febriculam, quæ, quia vagabundæ est indolis, in hecticam ut plurimum terminatur, & lentis progressibus ad finem properat.

§. XVI.

Sufficiant hæc pro historica adfectus nostri delineatione dixisse, restat, ut de ipsa *cura* generatim differamus, & deinde casum nostrum cum remedio enarremus. Si unquam alibi, certe hic periculum est in mora. Hinc opus est, ut *clyster stimulan*s revellendi scopo quantocyus applicetur, conjunctis pro eodem scopo *friktionibus*, *ligaturis* vel *sinapismis* in pedibus & manibus. *Vesicatoria*, capiti applicata, præsentaneæ nonnunquam derivant. Præsentente plethora & rubicundo faciei adpectu *venæ sectio* in brachio largior pressio pede subjungenda, immo, efflagitante


tante necessitate, est præmittenda. Prostratio enim viri-
um, de qua patiens conqueritur, hic non est reformidan-
da, & quando imminens ac præceps periculum sublatum
est, vires sensim refarciuntur.

§. XVII.

Quando post clysteris usum anxia respiratio non re-
mittit, vitium etiam primarum viarum conspirat, *emesis*
excitatur; quo nomine *sal vitrioli* ad drachm. i. cum lar-
go vehiculo, vel decoctum *rad. asari* laudant. Quando
autem infarctus paululum remittit, & patiens liberum aë-
rem respirare potest, ab emetica, tanquam vehemente,
commotione abstinendum, & negotium per solventia,
cum tonicis remixta, expediendum est. (In quibus sub-
jectis robur qualecunque naturæ adhuc adest, spontaneus
nonnunquam vomitus excitatur.) Hac ratione stasis mu-
cosa discutitur. Laudantur hic præ aliis *essent. pimp. alb.*
tinctura antimonii tartarizat. cum spiritu salis armoniaci
anis. mixt. conjuncto regimine leniter diaphoretico & sub-
juncto usu *essent. cascarill.* quæ non solum discutit, sed &
demulcentem efficaciam præstat.

§. XVIII.

Quando periculum suffocationis superatum est, to-
nico-nervinis flaccescentia pulmonum restauratur, quo
nomine laudatur *mixtura tonico-nervina Stablii*, quæ etin-
ctura salis tartari & spiritu Cornu cervi rectif. proportio-
nate remixta paratur. Usu etiam esse potest tinctura mar-
tis *aperitiva Ludovici*. His conjunguntur *analeptica e-*
mulsiva non solum ex aquis diapnoicis sed & analepticis
parata, nempe aqua cinnamomi, ceras. nigr. nymph. lilior.
convall. &c. & diæta aromatica cum vino generoso con-
juncta.



§. XIX.

Quando autem catarrhus suffocativus chronicum schema inducit, resolventia & discutientia, superius laudata, tanto diutius continuanda sunt. *Febris* successui succurritur per alexipharmacas essentias & pulveres antifebriles nitroso temperantes; abstinetur autem a salibus volatilibus & catarrhalibus calidis.

§. XX.

Quoad *diætam* monemus, ut catarrhosi tales moderate aromaticam & vinosam eligant, circa æquinoctia venæsectiones, ad novum insultum occupandum, in pede admittant, nimium somnum & aërem frigido humidum, non minus autem animi commotiones evitent.

§. XXI.



Hæc sunt, quæ de catarrhi suffocativi indole & generali tractatione præmittere necessarium putavimus. Progre-
dimur jam, ut scopum nostrum primarium prosequamur, ad descriptionem illius remedii, quod mirificam sane efficaciam in hoc adfectu præstat. Est autem hoc

Sulphur antimonii auratum ultimæ præcipitationis, cum tartaro vitriolato æquali pondere remixtum, ita ut dosis mixti hujus pulveris XII. grana habeat.

§. XXII.

Noti sunt dissensus auctorum, uti de sulphuribus antimonii in genere, ita de sulphure sic dicto *aurato* in specie; notæ etiam sunt variæ præparandi hujus sulphuris descriptiones, sed hæc omnia eam ob causam jam prætermittimus, quia dissentientes circa hanc rem opiniones nullam lucem adfundent illi veritati, de qua hoc loco dicemus.

Suffi-



Sufficiet indicare sequentibus, qua ratione sulphur illud² quod nos adhibuimus, præparatum fuerit.

§. XXIII.

Videlicet residuum seu ita dictum caput mortuum tincturæ antimonii illius, quæ ex duabus partibus salis tartari & una parte antimonii mediante spiritu vini rectificatissimo paratur, cum sufficiente aqua coquitur, sic spiritus, qui in residuo residuus fuit, avolat, aqua autem colore tingitur rubicundo. Quando refrixit hoc lixivium, per chartam bibulam filtratur. Deinde sulphur a lixivio alcalico separatum per præcipitationem, quæ vel aceto destillato, vel, secundum *Glauberum*, tartaro aqua calida soluto, vel, uti *Ettmüllerus* jubet, spiritu vitrioli, vel ipso quoque spiritu salis armoniaci, licet non pertineat ad acidorum ordinem, perficitur. Quod primum cadit sulphur, colore rubro & saturato conspicuum, removetur. Hoc enim, quia crassius & majore vi emetica præditum est, scopo nostro non inseruit. Illud autem sulphur, quod post remotam crassiorem portionem cadit, & aureum fere colorem refert, usibus nostris reservatur. Est enim priore longe tenerius, & minore efficacia emetica præditum.

§. XXIV.

Huic sulphuri *aurato* auctores vim sudoriferam & anodynâ communiter adscribunt. *Ettmüllerus* pro remedio antepileptico laudat, *Glauberus* panaceam illud vocat. Nos hæc elogia suo loco relinquemus, & illam tantum efficaciam cum publico communicabimus, quæ multis exemplis nobis confirmata est. Inter hæc eminet casus notabilissimus, qui tot prothea phænomena in hunc usque diem ostendit, ut præcipua ejus momenta hic enarrare digna judicemus.



§. XXV.

Vir sexaginta, & quod excedit, annorum, habitus corporis succulenti & pro ætatis ratione quodam modo flaccidi, vitæ litterariæ atque ita sedentariæ non mediocriter deditus, per sedecim annos, quibus *Halæ* vixit, purpura rubra ita adfectus fuit, ut non raro, præcipue autem hyeme & vernali tempore, graviter decumbere debuerit; æstivi autem menses, quibus purpura largiter erumpere soluit, satis tolerabiliter transacti sunt. Quum vero hunc locum ad tres annos aliquando mutasset, liber quidem a purpura vixit, alia autem incommoda, & spastica quidem, præcipue malum ischiadicum, experiebatur. Redux in hunc locum de novo incurrebat purpuram, magna cum efflorescentia conspicuam, quæ, quam primum aëris frigido humida temperies vel quæcunque alia causa occasio- nalis admittebatur, retrocedebat, & dolores acerbissimos, arthritico-spasticos in coxa, osse sacro & denique etiam in pede producebat. Ante duos autem annos loco purpu- ræ exanthemata quædam ulcerosa in nucha & circa tem- pora erumpebant, atque serum acre largiter plorabant, post festum autem Michaelis, cum aër frigidus esset, retro- cedebant, & quidem sine conspicuo hoc tempore damno. Sed uti alternæ sunt vices rerum, ita sequente anno longe alia facies obferebatur. Quum enim ulcerosa illa eruptio circa caput sub initium æstatis recurreret, & præter om- nem expectationem repente cessaret, paucis post diebus multi furunculi, partim majores, partim minores, cum primis in fronte & circa nucham, denique etiam in pecto- re erumpebant; cumque duodecimo mensis Augusti die Patiens in frigido aëre ad nonam usque vespertinam am- bulasset, omnes furunculi, qui dolore non leviter inflam-
mato-

matorio erant constipati, uno quasi momento evanescebant. Viceſimo ſecundo ejusdem menſis die Patiens media nocte evigilabat, inſultu catarrhali impetuoſo, reſpiratione difficillima, plenitudine peſtoris rhonchiſſante, reſpertina virium dejectione, &, ut duobus verbis dicamus, catarrho ſuffocativo corripiebatur. Vocabatur mox in ſubſidium Medicus, qui clyſterem ſtimulantem, non ſine levamine, ordinabat. Præter enim alvinas dejectiones multa materia mucoſa per vomitum ſpontaneum ejiciebatur. Quoniam autem per hæſce excretiones non omne periculum auferebatur, ſed anxia & difficillima reſpiratio cum rhonchiſſante peſtoris ſono adfligere continuabat, venæ ſectio in pede, cui Patiens adſuetus, inſtituebatur, quæ impetum ita mitigabat, ut quod reliquum erat, diſcutientibus & tonico - nervinis ſucceſſive ſuperaretur. Die ſeptimo ſeptembris idem adfectus eadem hora & iisdem omnino circumſtantiis recurrebat, iisdem etiam remediis, excepta venæſectione, proſligabatur. Hæc ſcena intra quinque menſium ſpatium ſæpius ludebatur, & in tantam mentis anxietatem Patientem conjiciebat, ut ante invaſionis horam, quæ erat duodecima mediæ noctis, lectum petere nunquam auderet, ſed in ſella tam diu ſe continere cogeretur donec tempus formidinis præterlapſum eſſet. Quando autem tempore ordinario nempe decima vel undecima lectum petere aliquando valebat, mox ſentiebatur pulſus frequentiffimus & celerrimus, cum ſumma anguſtia & palpitatione cordis, ita ut diſcedere vel ſurgere a lecto cogeretur, niſi alterum motuum extremum, nempe catarrhum ſuffocativum, confirmante aliquoties eventu, exſpectare vellet. Huic miſeriæ quomodo ſuccurrendum eſſet, Medicus diu non videbat, licet multa remedia, quæ huic

huic adfectui passim destinantur, adhibuisset. Tandem recordabatur illius, quod sulphur antimonii auratum ad catarrhos suspendendos a nonnullis commendetur. Unde in animum sumebat, in suffocativo quoque, tanquam omnium catarrhorum atrocissimo, hoc remedium probare, & quemadmodum tenerrimam illam partem, quæ ultimæ est præcipitationis, atque minorem vim emeticam possidet, eligebat, ita additione tartari vitriolati quantamcunque illius vehementiam infringere judicabat. Quæ sane res tam feliciter successit, ut paroxysmus, qui innumeris fere vicibus insultum fecit, ordinarie per unicam hujus remedii dosin in momento quasi superatus sit, & Patiens sub initium hujus anni consueto tempore lectum intrare potuerit. Prima dosis, quæ propinabatur, lenem vomitum cum materiæ mucidæ excretionem producebat, postea ne vestigium quidem emeseos observatum fuit, licet plures quam quinquaginta doses a Patiente adsumptæ sint, quæ omnes placantem tantum & mirifice sedantem efficaciam exseruerunt. Quam primum enim adfectus impetum minatur, id quod in hunc usque diem facere solet, Patiens de pulvere suo, quem semper ad manum habet, mox dosin adsumit, & quoties hoc facit, toties paroxysmus impeditur, ita ut scenam suam ludere non possit. Quam vero aliquoties, mussitante adfectu, ob qualiacunque impedimenta, pulverem sumere non posset, paroxysmus tam diu graviter affligebat, donec propinaretur pulvis, quo tam cito & constanter superatus fuit, ut Patiens divinum medicamen adpellare illum consueverit, & nunquam nisi grato in Deum animo de illo loquatur. Non solus autem paroxysmi impetus per hoc remedium constanti effectum repulsus est, sed & purpura rubra post largissimos

gissimos sudores, qui media nocte, qua adfectus alias insultare solebat, incipiebant, præterito vernali tempore primum iterum erumpebat, sed, quia diu non subsistebat, euphoria, quæ hanc eruptionem sequebatur, mox post retrocessionem evanescebat. Dominica die, quam *Jubilate* vocamus, paroxysmus inconsueto tempore recurrebat, nempe post prandium, ita ut circa quartam horam in maximo esset vigore. Hujus impetum quidem prima pulveris dosis mitigabat, non autem, uti alias, prorsus aufererat. Coctio enim in pectore rhonchissans cum reliquis angustiiis & palpitatione cordis continuabat. Hinc altera dosis circa horam septimam exhibebatur, & tertia post mediam noctem, cui adfectio prorsus cedebat. Mense Julio, postquam purpura Majo retrocesserat, ulcerosa illa circa nucham manatio, a cujus retrocessione catarrhus suffocativus primam originem duxerat, recurrebat, quoniam autem hæ pustulæ diu non fluebant, spes plenariæ liberationis, quam hæc eruptio faciebat, eventu quidem nondum confirmata est, ita tamen sublevatus vivit Patiens, ut aliquot subinde hebdomadæ sine incommodis transeant. Ultimus paroxysmus, qui recursum minabatur, annum accurate claudebat, ita ut non solum eodem die & eadem hora, sed & iisdem prorsus momentis, quibus hic adfectus primum emicuerat, mussitaret. Unica autem pulveris nostri dosis, uti Patiens cum animi jucunditate enarravit, profligavit tales minas mirifica celeritate.

§. XXIV.

Conspicua hæc hujus remedii efficacia, quam per multi in hunc usque diem mirantur, Medico, cujus laboribus practicis per tres, & quod excedit, annos interfui,

ansam præbebat, ut pluribus tentaminibus illud subjiceret. Adhibebatur autem primum in aliis catarrhalibus mucidis in pectore angustis, præcipue in quam multis infantibus ejusmodi oppletivis morbis, in quibus omnibus eundem felicem effectum exerebat. Prima dosis, quæ propinabatur, emesin æque ac in supra dicto exemplo, communiter excitabat, reliquæ autem doses, quas pro circumstantiarum ratione post unius & duorum dierum intervallum exhibebamus, efficaciam modo lenem catarcticam, modo diaphoreticam, modo paregoricam ostendebant, ita ut verum esse deprehenderimus, quæ DN PRÆSES in *Introductione sua medica* & quidem in parte *Materiam Medicam* sistente pag. 180. de sulphuris antimonii effectu diverso, nempe jam discuriente, jam colliquante, jam anodyno, jam emetico & catarctico scripsit.

§. XXV.

Anodyna efficacia, quæ in remedio nostro tam constans & secura deprehendebatur, animum firmabat, ut ulterius progredi atque etiam in talibus pectoris adfectibus, in quibus alterum extremum, nempe motuum exacerbatio, & activæ pressiones potissimum occurrit, illud propinare nullus dubitaverimus. Et tantum abest, ut hujus tentaminis nos pœniteat, ut cum gaudio potius adseverare possimus, quod exoptatissimos, & , ut ita loquamur, methodicos effectus in tussi sicca & asthma sicco observaverimus.

§. XXVI.

Immo asthma vere spasticum, cui, præter venæ sectionem, multa remedia sine effectu opposueramus, quatuor

tuor circiter hujus remedii dosibus, quotidie repetitis, feliciter profligavimus, & cum idem adfectus post trimestre spatium in hoc patiente recurreret, eodem remedio brevi iterum superabatur. Atque in hoc subjecto nulla emesis, a prima dosi, nedum sequentibus, excitabatur; id quod ulteriori pensitatione & applicatione dignissimum esse judicamus.

§. XXVII.

Hoc phaenomenon erat nobis admodum jucundum, praecipue quia sollicitudinem illam sublevare potest, quam circumspecti Practici in discretionem catarrhi suffocativi ab asthma spastico adhibendam omni jure inculcant. Quoniam enim utrisque motuum extremis hoc remedium par esse deprehenditur, non opus est, ut in repentinis talibus adfectibus multum inquiramus, num vel toni relaxatio, vel spastica illius intensio, vel status mixtus & complicatus in hoc vel illo casu peccet. Praeter ea, quia mora in hisce praecipitibus morbis periculum adfert, & tempus non concedit, ut vel in tono roborando, vel spasmis demulcendis multum occupati simus, merito de tali remedio gaudemus, quod utrique scopo satis facit, difficillimam respirationem solvit, anxietates tollit, & partibus violatis usum suum restaurat.

§. XXVIII.

Tandem etiam consentaneum duximus, ut remedii nostri efficaciam exploraremus in talibus pathematibus, quae cum superius dictis quoad causas quidem primarias conveniunt, in aliis autem, quam pectoris, regionibus reperiuntur: Praecipue opposuimus illud capitis catarrho-

sis & reliquis congestoriis adfectibus in quibus itidem exoptatos effectus exhibuit. Non solum coryzæ & gravedinis incommoda, sed & impetuosam cephalalgiam aliquoties profligavit.

§. XXIX.

Hæc sunt, quæ de egregiis remedii nostri effectibus in hac dissertatione inaugurali cum aliis communicare in animum sumimus, & quoniam speramus, solertes Practicos hoc remedium ulterioribus examinibus subjecturos, atque similes salutares effectus in illo experturos esse, vota nostra sunt, ut in publicum usum omnia convertantur.

DEO autem T.O.M. gratum animum humillime exhibemus, pro sua in mortales benignitate.

FINIS.



Dum



DVM MODERANS medium, CARISSIME, iungis

ACERBO,

Sulphuris impulsus corrigis immodicos.

Corporis vnde Tibi medicamen dulce resultat,

Atroces morbos quo superare potes.

Quæ sunt INFERIVS referunt in imagine SVMMA:

Nempe Deus parili nos medicatur ope.

FORTIA non dare sola solet, neque LENIA sola:

MISTA sed ægrotis porrigit ista simul.

ASPERA prosterunt hominem, sed MITIA sola

Non abigunt noxæ semina cruda pigræ.

Sic vbi commixtæ vires, fit grata medela;

Quæque ferit VEHEMENS pectora, DVLCE leuat.

Tu quoque, qui meritos recipis Doctoris honores,

IUSTITIAM iungas cum BONITATE Dei. *

Illa facit, mundum nolis vt amare caducum;

Hæc, vt ames Dominum mente flagrante tuum.

Inde, quod a morbo mentem Tibi seruat acerbo,

Et, quod ab atroci morte tuetur, habes.

* Ad Romanos Cap. XI. v. 22.

Hæc gratulabundus adjecit

D. IO. IVNCKER,

Med. Pract. Orphan Halens.

PAeoniam multis extollunt laudibus artem,

Qui statuunt premium rite cuique suum,

Contemnunt alii, quæ res bona nulla videtur,

Quam non ingenio perdidicere suo.

Non solidam dicunt, falsam, incertamque, vagamque,

Nec satis immoto plurima stare pede:

Tum quoque diuersis semper diuersa placere;
Incertumque, cui iam sit habenda fides.

Sed tamen insigni manet ars dignissima laude,
Illam si studio, si ratione colas.

Tu certe, ROEMPLERIADVM præclara propago,

Tu fratris caussa sanguine iuncte mihi,
Præcipue laudes multas magnasque mereris,
Ingens illius quem tenet artis amor.

Omnis erat nostra peritura scientia stirpe:

Tu solas magna laude reducis eam.

Ter nunc viginti vixi & bis quinque per annos,

Hic bona permultis mixta fuere malis.

Iamque senem, quem vix possunt humana mouere,

Artibus, hoc recreat, te studisse bonis.

Quodque simul summum sis denique adeptus honorem.

Pallade nunc laurum suppeditante tibi.

Gratulor & sincera meo de pectore vota

Fundo: Tuis cceptis numen adesse velit.

*Animum mentemque beneuolam erga Pa-
truelem æstumatissimum paucis his
testari voluit*

SAM. ROEMPLERVS,

ICTVS.

SS Was ist der Bau der Welt? Ein Lazareth, ein Kranken-
Haus,

Heut räumt hie der Todt, dort trägt er morgen aus:

Und wenn der Mensch sich gleich aufs niedlichste gepfleget;

So wird der morsche Leib dennoch ins Grab geleet.

Der Bund ist Sterblichen einmal gesetzt,

Und dauret, weil wir dauren, unverletzt.

Zwar hat der höchste Arzt noch Mittel anvertraut,

Wodurch man dieses Haus ein Weilschen fliekt und baut:

Jedoch,

Jedoch, wie lange währt's? eh wir es uns versehen,
So ist bey einem Sturm der ganze Fall geschehen.

Wie gut ist's denn, wo Glaub und Hoffnung lebt,
Womit der Geist sich Himmel- wärts erhebt.

Er stellt, Herr Better, sich, hier selbst zum Zeugen dar:
Weil er vor kürher Zeit, mehr todt als lebend war,
Und welch ein Haus der Mensch, bey seinen schönsten Jahren,
Welch ein zerbrechlich Haus durch eigne Prob erfahren.

Diß Leben ist ein schwach und zartes Licht,
Wenn nur ein Lüfftlein rauscht, so bleibt es nicht.

Doch legte Ihm der HERR diß nicht vergeblich bey:
Nun weiß Er an sich selbst, wie denen Krancken sey,
Und wird sie so vielmehr mit Lieb und Sanftmuth tragen;
Wenn sie bald über diß, bald über jenes klagen;

Wenn's bald im Kopff, bald in den Füßen steckt,
Wenn diß zu süß und das zu bitter schmeckt.

Die Würde, so er trägt, bringt nun die Bürde mit,
Daß Er durch manchen Gang, durch manchen sauren Tritt,
Bey Tag und auch bey Nacht, für Krancke treulich wache,
Und sich aus solcher Last, mehr Lust als Unlust mache.

Wenn oft der Arzt nicht allzu lang geharrt,
Wär mancher nicht so bald ins Grab gescharrt.

Jedoch Sein munt'rer Fleiß verstatt't dieses nicht,
Der mehr mit treuer That, als vielen Worten spricht.
Ich weiß, der höchste Arzt wird auch viel tausend Segen
Und selbst gewünschtes Glück auf Sein Bemühen legen,
So, daß wir noch die Früchte selber sehn,
Die hier und dort von seinem Fleiß entstehn.

Hiermit wolte seinem Werthgeschätz-
ten Herrn Better zur Doctor-Wür-
de gratuliren

Gottfried John, P. R. M. O.
Qui

Qui faciem mortis præbebas nuper AMICE,
Ereptus mira iam bonitate Dei:
Dulcia quo possis miseris solatia ferre,
Expertus morbum corporis ipse gravem
Jam dignus scandis majorum more cathedram;
Multum, quod profers, utilitatis habet.
Gratulor hoc cœptum, laurum quoque gratulor istam,
Dexteritas dudum qua tua digna fuit.
Adsit Jova TIBI medicamina cuncta secundans,
Quæ tua debilibus cunque datura manus.

*Sincera amicitia ergo gratula-
bundus scripsit*

HENR. BECKER,
Med. Cult.

Cum jam Doctoris titulo Te Musa salutat,
Quem Te, quis nescit, jam meruisse diu?
Non possum Tibimet quin pectore gratuler imo:
Qua jam jam flores, floreat usque salus.
Ex Medicis Summus det, quæ Medicina paratur,
Ut talem præster, quam cupit æger opem.

*Hicce applaudere voluit Honoribus
bene promeritis Experientissimi,
Nobilissimique Dn. Candidati*

C. M. WIEGAND,
Med. Stud.

